

四庫全書

經部

欽定四庫全書

經部
埤雅卷
一至
三

詳校官國子監祭酒臣覺羅言善

洗馬臣王坦修覆勘

總校官庶吉士臣何思鈞

校對官中書臣陸湘

謄錄監生臣范鳴謙

欽定四庫全書

經部十

埤雅

小學類一訓詁之屬

提要

臣等謹案埤雅二十卷宋陸佃撰佃字農師
越州山陰人少從學於王安石熙寧三年擢
甲科授蔡州推官選為鄆州教授召補國子
監直講歷官至尚書左丞未幾罷為中大夫
出知亳州卒於官宋史本傳稱其精於禮家

名數之學著書二百四十二卷如埤雅禮象
春秋後傳皆傳於世王應麟玉海記其修說
文解字子宰作埤雅序又稱其有詩講義爾
雅注今爾雅新義僅散見永樂大典內餘俱
亡佚不見獨是書尚傳其書釋魚二卷釋獸
三卷釋鳥四卷釋蟲二卷釋馬一卷釋木二
卷釋草四卷釋天二卷刊本釋天之末注後
缺字然則原書不止此矣陸宰記佃神宗時

預修說文進書名對言及物性因進說魚說
木二篇後乃益加筆削初名物生門類後注
爾雅畢更修此書易名埤雅言為爾雅之輔
也其說諸物大抵畧于形狀而詳於名義尋
究偏旁比附形聲務求其得名之所以然而
曼衍縱橫旁推其理以申之多引王安石字
說蓋佃以不附新法故後入元祐黨籍其學
問則未嘗有異於安石晁公武謂其不專主

王氏亦似特立是悞以論其人者論其書也
乾隆四十四年四月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

埤雅卷一

宋陸佃撰

釋魚

龍

鯉

魴

鱮

鱧

鯽

鱒

鮪

鱣

魴

鱖

鮒

鮠

鮫

鮓

蛟

龍

龍八十一鱗具九九之數九陽也鯉三十六鱗具六六之數六陰也龍亦卵生思抱雄鳴上風雌鳴下風而風化有鱗曰蛟龍有翼曰應龍有角曰蚪龍蓋蟲莫智於龍龍之德不為妄者能與細細能與巨巨能與高高能與下下故易乾以龍御天坤以馬行地龍天類也馬地類也易曰震為龍震為龍以動故也周易以變者為占故乾六爻皆動皆謂之龍所謂初九九二九三九四九五上九是也蔡墨曰龍水物也周易有之在乾之姤曰

潛龍勿用其同人曰見龍在田其大有曰飛龍在天其
夬曰亢龍有悔其坤曰見羣龍無首吉蓋乾初九變而
之姤九二變而之同人九五變而之大有上九變而之
夬六者俱動變而之坤是以蔡墨之言如此知此則知
震所以為龍之義矣賈誼新書曰亢龍往而不能反故
易曰有悔有悔者凶也潛龍入而不能出故易曰勿用
勿用者不可也觀誼之言如曰勿用者戒使勿為潛龍
也故曰潛之為言也隱而未見行而未成是以君子弗

用也蓋止使人無為謂之勿所謂勿用娶女勿用有攸
往小人勿用之類皆戒使勿為也俗云龍精於目蓋龍
聳故精於目也陰陽自然變化論曰驪龍之眸見百里
纖芥又曰龍能變水人能變火又曰龍不見石人不見
風魚不見水鬼不見地孫綽子曰高祖御龍光武御虎
龍韓彭之類是也虎耿鄧之類是也法言曰龍以不制
為龍聖人以不手為聖人手取也言雖容有飛禍而非
其所取詩曰賓載手仇手取也酈元水經曰魚龍以秋

日為夜按龍秋分而降則蟄寢於淵龍以秋日為夜豈謂是乎莊子曰朱泚漫學屠龍於支離益彈千金之產三年技成而無所用其巧此言技術雖高而應世稍疎則無所用之是以君子因時施宜事在於適而已豈必一二以追先王之迹哉舊說鼈畏葱蛟龍畏鐵又云龍肉以醢漬之則文章生今相家說龍人臣得其一體當至公相曾公亮得龍之脊王安石得龍之睛內典云龍火得水而熾人火得水而滅按葬書以龍言山以虎言

水六龍九虎是也直山直水謂之死龍死虎故曰小頓
大起宛轉如盤龍奮迅如舞鶴謂之住岡

鯉

此今之頰鯉也一名鱣鯉脊中鱗一道每鱗上有小黑
點文大小皆三十六鱗魚之貴者故爾雅釋魚以鯉冠
篇而養魚經曰所以養鯉者鯉不相食易長又貴是也
神農書曰鯉最為魚之主今人以盤水養之雖困鱗不
反白蓋健魚也詩曰魚麗于留鱣魴魚麗于留魴鱧魚

麗于鬻鯉鯉蓋鱸魚黃魴魚青鱧魚玄鯉魚白鯉魚赤
則五色之魚具備故序以為萬物盛多也俗說魚躍龍
門過而為龍唯鯉或然亦其壽有至千歲者故詹何之
釣千歲之鯉不能避也鱗鄰也鯉里也鯉進於魚矣殆
亦龍類是以仙人乘龍亦或騎鯉乃至飛越山湖

魴

魴一名魴此今之青魴也郊居賦曰赤鯉青魴細鱗縮
項闊腹魚之美者蓋弱魚也其廣方其厚褊故一曰魴

魚一曰鰻魚。鰻方也。鰻扁也。詩曰：川澤訐訐，鰻鰻甫甫。甫甫，美也。鰻之為美，舊矣。今更與鰻魚連道，以著韓國水土之善者。蓋鰻魚雖等美，而綠水之異，則有優劣。故里語曰：洛鯉伊鰻，貴於牛羊。言洛以渾深宜鯉，伊以清淺宜鰻也。又曰：居就糧梁水，鰻蓋今遼東梁水之鰻，特肥而厚。詩曰：豈其食魚，必河之鰻。言無民而不可治，豈其取妻必齊之姜，言無臣而不可使，所以誘掖其君也。且河性宜魚，故詩曰：豈其食魚，必河之鰻。必河之鯉也。

列女傳曰傳弓以燕牛之角纏弓以荆麋之筋糊弓以
河魚之膠說者以為燕角善楚筋細河膠黏詩曰魴魚
頰尾以譬君子勞於王事養生經曰魚勞則尾赤人勞
則髮白

鰓

今黃鰓魚是也性浮而善飛躍故一曰揚也陸璣曰今
黃鰓魚燕頭魚身鰓骨正黃魚之有力解飛者一名黃
揚舊說魚膽春夏近下秋冬近上

鱧

今玄鱧是也諸魚中唯此魚膽甘可食有舌鱗細有花
文一名文魚與蛇通氣其首戴星夜則北嚮蓋北方之
魚也詩曰魚麗于罟鱓其次曰魴鱧又其次曰鰕鯉
蓋鱓魴小魚魴鱧中魚鰕鯉大魚亦其鱓魴之美不若
魴鱧魴鱧之美不若鰕鯉故其序如此今魚品齊魯之
間魴為下色鰕為中色鯉為上色衡門之詩先魴後鰕
亦以此故也舊云鱧是公磧蛇所化至難死猶有蛇性

故或謂之鯉也爾雅曰鯉大鯛小者魴

鯉

今偃額白魚也一名鮎鯉魚偃鯉魚俯鱧魚圓魴魚方
魚麗之詩一章曰鱧魴二章曰魴鱧三章曰鯉鯉蓋鱧
魴長魚也而魴鱧則言其魚一方一圓鯉鯉則言其魚
一偃一俯又以著萬物衆多也

鱧

鱧似鯉魚而鱗細於鯉赤眼詩云九罭之魚鱧魴我觀

之子衮衣繡裳蓋鱒魚圓魴魚方君子道以圓內義以
方外而周公之德具焉故是詩主以言之然則鱒象公
之圓而衮衣者道也魴象公之方而繡裳者義也玄衮
纁繡而後可以見周公猶之九罭之取鱒魴也爾雅曰
魴鱒蓋鱒一名魴孫炎正義曰鱒好獨行制字从尊殆
以此也

鮪

鮪魚似鱸而青黑長鼻體無鱗甲肉色白味不如鱸大

者長七八尺岫居至春始出而浮陽北入河西上龍門入漆沮見日而目眩故詩言漆沮及河通道此魚夏小正曰祭鮪祭不必記而記鮪何也鮪者魚之先至者也而其至有時禮曰龍以為畜故魚鮪不滄而序詩者亦曰季冬薦魚春獻鮪則鮪別於魚其來尚矣故鮪仲春從河西上得過龍門便化為龍否則點額而還尸子曰龍門魚之難也太行牛之難也蓋河津一名龍門兩傍有山魚莫能上大魚薄集龍門上則為龍不得上輒暴

鯢水次故曰暴鯢龍門垂耳轅下善為魚者不求為龍
望禹門輒逝是以無暴鯢點額之患水經曰鮪出鞏穴
直穴有渚謂之鮪渚周禮春獻王鮪然非時及佗處則
無故河自鮪穴已上又兼鮪稱

鱣

鮪肉白鱣肉黃鱣大魚似鱣口在頷下無鱗長鼻顛骨
俗謂之玉板大者長二三丈江東呼為黃魚古今注曰
鯉之大者為鮪鱧之大者為鱣非是也案詩曰有鱣有

鮪鱈鯉鯉言鮪矣而又言鯉則鮪與鯉異明矣詩
曰施罟濊濊鱸鮪發發鱸鮪健魚故其跳躍發發然不
麗於眾而碩人以刺莊公詩於鱸鮪言發發於魴鱖言
唯唯則魚之健弱可知也義訓曰鱖掉尾口上下噉噉

魴

釋魚云魴鮓今吹沙小魚常張口吹沙故曰吹沙也魴
性善沈大如指狹圓而長有墨點文常沙中行亦於沙
中乳子故張衡云縣淵沈之魴鮓也字指云鮓魴屬詩

曰魚麗于鬐鱗鮒鮓鱧鯉鯉蓋鱗也鮒也鯉也其性浮
鮒也鱧也鯉也其性沈而鬐則發婦之苟其用功寡又
以待魚之自至今魚麗于鬐鱗鮒鮓鱧鯉沈浮小大
美惡與其形色之異具有則餘物盛多可知也俗云鮒
性沙抱異物志曰吹沙長三寸許背上有刺螫人海物
異名記曰鮒似鯉而狹小

鯪

鯪魚形狹而長若條然故曰鯪也今江淮之間謂之鯪

魚性浮似鱗而白蓋鱗以嘗鱣謂之殮其義一也詩曰
鱣鱣鯉鯉先鱣後鱗先鯉後鯉者鱗大於鱣鯉大於鯉
亦其美之遞不如也

鮒

呂子曰魚之美者洞庭之鮒鮒小魚也即今之鯽魚其
魚肉厚而美性不食釣本草所謂鯽魚一名鮒魚形亦
似鯉色黑而體促腹大而脊隆所在池澤皆有之是也
孟詵云鯽是稷米化之其魚腹上猶有米色易之并曰

井谷射鮒甕救漏蓋九二以陽居陰不正者也不正則
旁出而下流以與初矣故曰井谷射鮒以此上行則亦
趨乎下而已故曰甕救漏初六陰也而又居下流且其
賴井之功微矣故稱鮒焉莊子曰周顧視車轍中有鮒
魚焉曰吾得斗升之水然活爾少牢饋食曰魚用鮒十
有五而俎蓋魚水物也故取數於月十有五曰而盈淮
南子曰月虛而魚腦減今此魚旅行吹沫如星然則以
相即也謂之鮒以相附也謂之鮒

鱻

鱻魚似魴而弱鱗其色白北土皆呼白鱻西征賦曰華
魴躍鱗素鱻揚鬣性亦旅行故其制字从與亦或謂之
鱻也傳曰連行魚屬若此之類是已失水即死弱魚也
今吳越呼鱻鱻魚其頭尤大而肥者徐州人謂之鱻或
謂之鱻六韜曰緡隆餌重則嘉魚食之緡調餌芳則庸
魚食之鱻庸魚也故其字从庸蓋魚之不美者故里語
曰網魚得鱻不如啖茹而鱻讀曰慵者則又以其性慵

弱而不健故也詩曰敕笱在梁其魚魴鰈齊子歸止其從如雲敕笱在梁其魚魴鰈齊子歸止其從如雨敕笱在梁其魚唯唯齊子歸止其從如水言笱雖敕尚足以制魴鰈之魚非特制魴鰈而已尚足以制魴鰈之魚非特制魴鰈而已蓋魚無不聽從者以刺魯桓微弱曾敕笱之不如也其從如雲者言雲無定性隨風而已雲升而生雨故如雨繼之雨降而生水故如水繼之言魯桓微弱不能防閑文姜其傾從如雨之從天其順從如水

之從地者初亦生於如雲積以浸大而已故傳曰如雲
言盛也如雨言多也如水言衆也蓋一為盛二為多三
為衆

鮫

鮫海魚也狀似鼈而無足背文麤錯皮間有珠可以飾
刀其子驚則入母腹中蓋龍珠在頷鮫珠在皮蛇珠在
口鼈珠在足魚珠在眼蚌珠在腹也案天玄主物簿叙
魚珠曰魚之懷珠至五十年則無復鼓腮腦上有汗其

鬚鱗口眼皆異鬚當紫色眼當紅色口當赤色又曰懷珠之蛇多喜投暗見人張口向人吐氣如燼是則蛇珠暨魚亦有懷者述異記曰南海有鮫人之室水居如魚不廢機織其眼能泣則出珠

鰮

鰮今泥鰮也似鰮而短無鱗以涎自染難握與魚而為北牡莊子所謂麋與鹿交鰮與魚游一名鰮孫炎爾雅正義曰鰮尋也尋習其泥厭其清水舊說守魚以鼈養

魚以鮓蓋鮓性首健善擾今魚利轉制字从首豈為是乎恩平郡譜云鮓謂之埭蝦謂之籠鰲謂之衫蛇謂之訛案古方有言須用流水煮藥者今鮓鮓入江水輒死則流水與止水果不同韓文公江魚不池活今魚生流水中則背鱗白而味美生止水中則背鱗黑而味惡此亦一驗詩云豈其食魚必河之魴蓋流水之魚品流自異

蛟

蛟龍屬也其狀似蛇而四足細頸頸有白嬰大者數圍
卵生眉交故謂之蛟亦蛟能交首尾束物焉故謂之蛟
也俗呼馬絆以其如此述異記曰蟒蛇目圓蛟眉連生
連生則交矣相書所謂交眉則蛟蜃之眉是也一說蛟
尾有內環束物則以首貫之舊云鳳骨黑蛟骨青記曰
伐蛟取鬣登龜取鼈鄭氏謂蛟言伐者以其有兵衛也
龜言登尊之按古有蛟鮓又有龍醢夫龍神物也而可
豢是亦豕類爾非真龍也犬豕曰豢夫惟可豢是以可

醢而食字从肉蓋以此故君子不欲參於人也俗說虎
中有真虎龍中有真龍星禽衍法曰角木蛟亢金龍氐
土貉房日兔心月狐尾火虎箕水豹斗木獬牛金牛女
土蝠虛日胤危月燕室火豬壁水瑜奎木狼婁金狗胃
土雉昂日雞畢月烏觜火猴參水猿井木豕鬼金羊柳
土獐星日馬張月鹿翼火蛇軫水蚓獬或作麟豕或作
鴈蓋非是按角木曰蛟亢金為龍奎木曰狼婁金為狗
觜火曰猴參水為猿翼火曰蛇軫水為蚓之類是皆以

類相從特其氣數有深淺爾然則牛金曰牛斗木宜為
獬鬼金曰羊井木宜為豻也

埤雅卷一

埤雅卷一音釋

蚪求

始古候

夬公快

殫丹

熾昌志

頰丑真

留力九

鯉里

鯉偃

鯨市羊

魚毗

訃吁

鱣似呂

鯉堅

鮑直壘

鮒奪

鮑才損

鮑乎袞

戩域

覲公候

鮒卑吉

鮑偉

鱣知連

淦奴感

鮑腮

輒乳克

眾孤

澁豁

鮑市活

噲宜檢

喁魚凶

鮑宅

鮑流

嫫離

筭古後

鮓魚食

鮒扶句

沫亡活

鬚其

麋粗

蚌棒

鮓秋

鱠它

鮓習

蚌律

鰲徐占

鮓市演

鮓乎患

鮓干岸

欽定四庫全書

埤雅卷二

宋陸佃撰

釋魚

龜

鱉

烏鰂

鼉

鼈

龜

蟾蜍

蚌

蝸

蜃

貝

鰻

鱉

嘉魚

龜

龜舊也外骨內肉腸屬于首廣肩無雄與蛇為匹故龜與蛇合謂之玄武類從玄龜不咽粟蓋龜善藏久能行氣導引其背微偃韓子謂之穹龜相法以為強脊如龜有後之人也又龜背微坼如皴剝故莊子云宋人有善為不龜手之藥也語曰龜思鼈望今龜鼈皆隔津望卵易曰定天下之吉凶成天下之亶亶者莫大乎蓍龜蓋蓍老龜舊故古以龜卜蓍筮白虎通曰蓍龜者天地之間壽考物也故問之龜象也天產也蓍數也地產也占

人曰凡卜筮君占體大夫占色史占墨卜人占圻說文曰兆龜圻也龜灼之而圻圻而後墨與色可知卜人先占圻史占墨次之大夫占色又次之衆占備焉而後君占體以斷吉凶卜之序也故玉藻云卜人定龜史定墨君定體今禮以尊卑之序言之故先占體後占圻與玉藻之序異也墨謂以墨畫龜占其食否洛誥所謂我卜澗水東澗水西惟洛食傳曰卜必先墨畫龜然後灼之兆順食墨故卜師云揚火以作龜致其墨也筮人曰國

之大事先筮而後卜則卜筮必相參用以定吉凶占人所謂以八筮占八頌者也傳曰上有叢蓍下有伏龜則龜筮之必相為用非特人故抑天理也書曰三龜一習吉此龜從也啓籒見書乃并是吉則言蓍從焉而筮書與龜又并吉也公曰體王其無害則言卜筮之體并吉故王其無害矣詩曰爾卜爾筮體無咎言此之謂也先儒引此證君占體之事而又以書為龜書則亦誤矣且開籒案視龜書然後知吉則先曰三龜一習吉是今日

適越而昔至也明堂位曰周以黃目黃目蓋以龜目飾
尊今龜目黃而許慎解字說罍亦曰龜目酒尊是也化
書曰牝牡之道龜龜相顧神交也鶴鶴相唳氣交也言
龜雖與蛇合亦有以神交者易曰舍爾靈龜蓋龜有靈
德伏匿而噎善潛而不志於養故古者簠簋皆為龜形
於其上而大臣以貪墨坐廢者曰簠簋不飾也史氏龜
經曰龜生百歲故居鵲尾之上

解

蠲八跪而二教水蟲殼堅而脆團臍者北尖者壯也八月腹內有芒真稻芒也未被霜食之有毒外骨內肉旁行故今里語謂之旁蠲梓人注云却行蠲屬仄行蠲屬是也易曰離為蠲言離卦外剛內柔而性又火爆故為蠲也荀子曰蠲六跪而二教非蛇蠲之穴無所寄託者用心燥也太玄曰蠲之郭索教蓋蠲首二鉗如鉞者今蠲皆八跪二教教蓋其兵也所以自衛神農本草以為蠲性敗漆燒之致鼠蠲性走明漆見之而輒解名之曰

懈似出於此淮南子曰漆見懈而不乾此類之不推者也一曰懈解殼故曰懈禮曰蠶則績而懈有匡范則冠而蟬有綏凡則死而子臯為之哀言懈甲象匡其哀之不為凡死猶懈之有匡豈為蠶之績也哉造化權輿曰龍易骨蛇易皮麋鹿易角懈易教折其教足隨後更生懈類甚多若蝟蚱擁劍彭蠡彭蜺之類凡十數種蝟蚱大者長尺餘兩教至強能與虎鬪虎不如也隨大潮退殼一退一長擁劍一名桀步豈非以其橫行故謂之桀

步歟一教極小以大者鬪小者食彭蠡有毛海人亦食之蔡謨初渡江食之瀕於死歎曰讀爾雅不熟幾為勸學所誤

烏鰂

烏鰂八足絕短者集足在口縮喙在腹懷板含墨每遇大魚輒嚙墨周其波以衛身害若小鰈魚過其前即吐墨涎惹之南越志曰烏鰂懷墨而知禮江東人或取其墨書契以給人財物書迹如淡墨逾年自消唯空紙爾

舊說烏鰂有疋遇風則蚪前一鬚下疋一名纜魚風波稍急即以其鬚黏石為纜蓋此魚每遇大風遠岸則蚪前一鬚為疋近岸則黏前一鬚為纜炙穀子曰此魚每遇漁舟即吐墨染水令黑以混其身漁人見水黑則知是網之大獲傳曰欲蓋而彰愚存而亡此之謂也肉白皮黑無鱗有鬚鬚甚長蜀本草圖經云鷄即此是也故義訓云寒烏入水謂之烏鰂

鰂

鼉具十二少肉蛇肉最後在尾其枕瑩淨魚枕弗如皮
中冒鼓夏小正曰剝鼉以為鼓也今狔將風則踴鼉欲
雨則鳴故里俗以狔讖風以鼉讖雨詩曰鼉鼓逢逢先
儒以為鼉皮堅厚取以冒鼓故曰鼉鼓蓋鼉鼓非特有
取於皮亦其鼓聲逢逢然象鼉之鳴故謂之鼉鼓也晉
安海物記曰鼉宵鳴如桴鼓今江淮之間謂鼉鳴為鼉
鼓亦或謂之鼉更更則以其聲逢逢然如鼓而又善夜
鳴其數應更故也今鼉象龍形一名鱣夜鳴應更吳越

謂之鱣更蓋如初更輒一鳴而止二即再鳴也舊云鼉
性嗜睡目睛常閉能吐霧致雨力亦酋健善頽坎岸一
曰獨鳴早鼉鳴夜趙辟公雜說曰鼉聞鼓聲則鳴續博
物志曰鼉長一丈一名土龍鱗甲黑色能橫飛不能上
騰其聲如鼓

鼈

鼈以眼聽穹脊連背甲蟲也水居陸生養魚經曰魚滿
三百六十則龍為之長而引飛出水內鼈則魚不復去

故鼈一名神守天地之性細腰純雄大腰純雌大腰龜
鼈之屬以蛇為雄荀子曰跬步不休跛鼈千里言鼈行
蹠跚而又跛焉今其卒致千里則亦不輟焉爾故學不
可以已也詩曰魚鼈鮮魚鮮魚中繪者也又曰魚鼈膾
鯉言熟則有魚鼈腥則有膾鯉也段成式云甲蟲影伏
羽蟲體伏今鼈伏於淵而卵剖於陵此思化也內典曰
鶴影生鼈思生是則思生又與影伏異矣今疇帽乳卵
大如彈丸亦望卵而蔭一如龜鼈呼為護卵世云鼈伏

隨日謂隨日光所轉朝首東鄉夕首西鄉也又云鼈之所在其上必有浮沫謂之鼈津捕者以此占之韋氏燕山錄曰煮羊以鼈煮鼈以蚊蓋物之相感如此雖有明智弗能推也

鼈

鼈大鼈也鼈以為雄故鼈鳴而鼈應所謂雄蟲鳴於上風雌蟲應於下風而風化即此之類是也淮南子曰燒鼈致鼈此以其類求之舊說鼈亦思化其脂得火可以

然鐵一曰龜亦卵生而伏影顏籀稽聖賦曰龜鼈伏乎其陰鸕鷀孕乎其口是也王子年拾遺記曰禹濟巨海龜鼈為梁此與黃帝以虎豹為前驅鵬鴉為旗幟無異皆德之所感殆未足多怪也

蟾蜍

蟾蜍吐生腹大背黑皮上多癍磊跳行舒遲其肪塗玉則軟刻削如蠟本草所謂能合玉石者也又曰蝦蟆一名蟾蜍蓋蝦蟆背有黑點身小能跳接百蟲善鳴與蟾

蝻不類故淮南子以為釋大道而任小數無以異於使
蠲捕鼠蟾蝻捕蚤不足以禁姦塞邪也酉陽雜俎曰蝻
蝻無腸又曰鶴影抱蝦蟆聲抱今里俗聞其春鳴謂之
聒子聒子即段所謂聲抱其子謂之科斗大盡生前兩
足小盡生後兩足今其一種似蝦蟆而長踦瞋目如怒
謂之鼃越王揖怒蛙而武士歸之即此是也蓋其鳴聲
哇淫故曰蛙傳曰紫色蛙聲餘分閏位物理論曰虛無
之談尚其華藻此猶春蛙秋蟬聒耳而已莊子曰言隱

於榮華良有以也抱朴子曰蟾蜍壽至千歲者頭上有角額下有丹書八字自然論曰蟾蜍擲糞自其口出又俗說蝦蟆懷土雖取以置遠郊一夕復還其所字說云雖或遐之常慕而反又云鼃善怒故音猛而謂怒力為鼃詩曰鼃勉同心亦蛙善踊故謂之猛今蝥蛄一名蚌蝥蝥長瘦善跳言窄而猛也

蚌

鼃字乳以夏蚌字乳以秋蚌聞雷聲則瘕其孕珠若懷

姪然故謂之珠胎與月盈胸淮南子所謂日至而麋鹿
角解月死而螺蚌雉者也蚌一名蜃墨子曰周之靈珪
出於土石楚之明月生於蚌蜃由是觀之士之賢不肖
豈有種哉蓋物有非其類而化者若牡礪蚌蛤無陰陽
牝牡須雀鵠以化故蚌之久者能生珠專一於陰也海
物異名記曰蜃布泥有疆界其蒸氣也為樓莊子曰夫
愛馬者以筐盛矢以蜃盛溺適有蚊蟲僕緣而拊之不
時則缺銜毀首碎胷言矢溺至賤而以禮器盛之愛馬

之至也然掩其不意而驚以致敗則失其所以愛矣故
意有所至而愛有所亡不可不慎也易曰離為蚌為螺
蓋螺之形銳蚌之形剡且皆外剛內柔而性又善麗故
也屯人曰凡祭祀社壇用大罍崇門用瓢句齋廟用脩
凡山川四方用蜃凡理事用概凡臨事用散齋之為言
升也脩爵也概斗也蓋祭祀罍以盛鬯瓢以酌之脩以
受之社壇言罍崇門言瓢齋廟言脩相備也蜃以盛鬯
概以酌之散以受之山川四方言蜃理事言概臨事言

散亦相備也鄭氏讀脩為貞誤矣脩爵名也荀子曰脩爵無數裴頠崇有論曰鳥無胃肺蛤蜊無臟蛭以空中而生蠶以無胃而有

蝸

釋魚曰蝸羸虻蚰璞云即蝸牛也孫炎正義以為負螺而行因以名之蓋蝸背負殼狀如小螺驚則縮入殼中如螺閉戶其肉中醢內則曰蝸醢是也頭有小角故又名蝸牛莊子所謂戰於蝸角舊說蝸涎規蝸每為蝸

牛所食先以涎畫地規之蝸不復去雀豹古今注曰蝸
牛陵螺也形如螭蝓殼如小螺熱則自縣於葉下野人
為圓舍如蝸牛之殼故曰蝸舍亦曰蝸牛之舍然則螭
蝓與蝸牛異矣先儒以為螭蝓無殼蝸似螭蝓而有殼
今亦有一種生於卑濕大於蝸牛無殼而有角蓋螭蝓
之類也南方積雨蝸涎書畫屋壁悉成銀迹其卑濕如
此

蜃

雜兵書曰東海出氣如鼈渭水出氣如蜃蜃形如蛇而大腰以下鱗盡逆一曰狀似螭龍有耳有角背鬣作紅色噓氣成樓臺望之丹碧隱然如在煙霧高鳥倦飛就之以息喜且至氣輒吸之而下今俗謂之蜃樓將雨即見史記曰海旁蜃氣成樓臺野氣成宮闕即此是也世云雉與蛇交而生蜃蓋得其脂和蠟為燭香聞百步煙出其上皆成樓閣之狀矣又曰蛇之求於龜則為龜求於雉則為蜃故三物常異而同感也又曰鹿食龜麇食

蛇蜃食燕子蛟食犀角蛇食菜莖筆談云登州海中時
有雲氣如宮室臺觀城堞人物車馬冠蓋之狀謂之海
市或云蛟蜃之氣

貝

獸二為友貝二為朋詩曰錫我百朋百云者言錫貝之
多也又曰萋兮斐兮成是貝錦錦文如貝謂之貝錦言
讒人因寺人之近嫌而成其罪猶之因萋斐之形而文
致之則成是貝錦也貝中肉如科斗而有首尾以其背

用故謂之貝貝背也貝之字从目从八言貝目之所背也先王面朝後市以此古者相背有經其經曰朱仲受之於琴高琴高乘魚浮于河海水產必究仲學仙於高而得其法又獻珠於武帝去不知所之嚴助為會稽太守仲又出遺助以徑尺之貝并致此文於助曰黃帝唐堯夏禹三代之正瑞靈竒之秘寶其有次此者貝盈尺狀如赤電黑雲謂之紫貝素質紅黑謂之珠貝青地綠文謂之綬貝黑文黃畫謂之霞貝紫愈疾珠明目綬消

氣障霞服蛆蟲雖不能延齡增壽其禦害一也復有下
此者鷹喙蟬脊以逐溫去水無奇功貝大者如輪文王
請大秦貝徑半尋穆王得其殼縣於昭觀秦穆公以遺
燕黿可以明目遠察宜玉宜金南海貝如珠礫白駸其
性寒其味甘止水毒浮貝使人寡無以近婦人黑白各
半是也濯貝使人善驚無以親童子黃屑點齒有赤駸
是也雖貝使人病瘡黑鼻無皮是也嚼貝使胎消勿以
示孕婦赤帶通脊是也惠貝使人善忘勿以近人赤熾

內殼赤絡是也管貝使童子愚婦人淫有青脣赤鼻是也碧貝使童子盜脊上有縷句脣是也雨則重霽則輕委貝使人志强夜行伏迷鬼狼豹百獸赤中圓是也雨則輕霽則重然則爾雅大者統小者鯖餘賦黃白文餘泉白黃文蝸大而險蟻小而橢亦其略也鹽鐵論曰教與俗改救與世易夏后氏以玄貝周人以紫石

鰻

鰻無鱗甲白腹似鱸而大青色焚其煙氣辟蠹有雄無

雌以影漫鱧而生子趙辟公雜說云凡聒抱者鵠鷓鷯
雀也影抱者龜鼈龜也有鰻鱺者以影漫於鱧魚則其
子皆附鱧之鬚鬣而生故謂之鰻鱺也一曰鮎亦產鰻
蓋其乳子三分之二為鮎其一鰻也

鱣

鱣狀如便面骨眼眼在背上口在腹下其血碧雌常負
雄而行雄者多肉失雄則不能獨活漁者拾之必得其
雙在海中羣行輒相積於背高尺餘如帆乘風而遊其

藏伏沙上亦輒飛躍常遠行迹數步如兔擺蹶今蠶青
黑色十二足似鱗腹中有子如粟而大中醢殼上有物
如角常偃高七八寸每遇風至即舉扇風而行俗呼蠶
帆舊云視鵠創施觀蠶制帆是也皮殼甚堅然性畏蚊
蚊小螫之輒斃未知其故也又暴之日中往往無恙隙
光射之即死嶺表異錄云雄小雌大置之水中雄者浮
雌者沈

嘉魚

嘉魚鯉質鱗鱗肌肉甚美食乳泉出於丙穴故南都賦云嘉魚出於丙穴先儒言丙穴在漢中沔南縣北有乳穴二常以三月取之穴口向丙故曰丙也舊言尾象篆文丙字故曰丙穴蓋爾雅魚枕謂之丁魚腸謂之乙魚尾謂之丙則魚尾象丙豈特嘉魚而已禮曰魚去乙乙腸也詩曰南有嘉魚烝然罩罩言嘉魚欲逸則罩之使入也南有嘉魚烝然汕汕言嘉魚欲伏則汕之使出也求賢之道如此而已爾雅曰巢謂之汕今之撩罟是也

太平君子樂與賢者共之而所以求者上籠之如罩下
撩之如汕此至誠之道也淮南子曰罩者抑之罾者舉
之為之雖異得魚一也

埤雅卷二

埤雅卷二音釋

區郁高

圻恥格

疊尾

著尸

筮誓

齋樂

蟻引

綏蕤

蝮由

蜂謀

蝟滑

鰓疾得

釘釘

鷄布族

跬犬藥

躡薄安

跗山

跖布火

魚白交

疇玳

帽瑁

龜留

籀胃

鷓鴣

痲肥

石力罪

踦已

噴噴

鼃蛙

哇於在

龜眉耿

螭

螭子公

痲莊救

胸肉

焦焦

蝻蝻

拊附

墮欲癸

概蓋

福壁

白由

頤隗

蛭膺

蚶附

虻弋支

蝮俞

螭癡

磨几

喙詡穢

礫厓

疇在爵

營榮

魴杭

鱖積

貳池

蝮求隕

蜻責

脩他果

鰻莫安

鱣離

鬣列

罩罩

汕所諫

翼啣

欽定四庫全書

埤雅卷三

宋陸佃撰

釋獸

麇

兔

鹿

麝

犀

麈

虎

麋

兕

豺

獺

熊

豹

羊

牛

麇

麋土畜也信而應禮以足至者也軒轅大角之獸狼額赤目五蹄含仁懷義音中鍾呂行中規矩不羣居不旅行不入陷窞不罹羅網王者至仁則出蓋太平之符也孔子曰刳胎殺夭則麒麟不至摘巢毀卵則鳳凰不翔角端有肉示有武而不用不踐生草不食生物有愛吝之意故麋从吝牡麒麟牝麋陰主吝嗇故牝曰麋也詩一章曰麟之趾二章曰麟之定三章曰麟之角始於趾終於角者言德以升進為美也易曰德言盛故是詩每况

愈上爾雅云麟麕身牛尾一角蓋麟似麕圓頂一角故
西狩獲麟曰有麕而角也或曰麟肉角鳳肉味皆示有
武而不用也傳云麒似麟而無角按爾雅曰驪如馬一
角不角者騏然則麒从騏省不角故也或曰序詩以為
皆信厚如麟趾之時从吝以厚故也从其以信故也其
信也其者指物之詞

兔

兔口有缺吐而生子故謂之兔兔吐也舊說兔者明月

之精視月而孕故楚辭曰顧兔在腹言顧兔居月之腹而天下之兔望焉於是感氣禮曰兔曰明視其以此歟蓋咀嚼者九竅而胎生獨兔雌雄八竅故陶氏書云兔舐雄毫而孕五月而吐子而里俗又謂視顧兔而感氣故卜秋月之明暗以知兔之多寡也今孔雀亦合而先儒以孔雀聞雷而孕則兔雖舐毫其感孕則以月理或然也月缺也故其口缺一曰兔目不瞬視雄毫而孕詩曰肅肅兔置椽之丁丁肅肅兔置施于中逵肅肅兔置

施于中林蓋掇之丁丁以有所聞施于中達以有所見
施于中林則無所聞無所見於是焉肅肅則好德之至也
故詩以此為後徐幹中論曰肅肅兔置施于中林處獨
之謂也是詩正言兔置者先王之化言格於芻蕘行至
於雉兔然後為博故序以為莫不好德賢人衆多也俗
云兔營窟必背丘相通所謂狡兔三穴古今註曰兔口
有缺尻有九孔今尻於文从九蓋生於兔也內則曰兔
去尻狐去首狐死亦正丘首不忘本也主物簿云孕環

之免懷於左腋毛有文彩間色至百五十年當轉環於腦能隱形人不復見矣說文無免字以免為兔兔生自口出宜有留難吐而後免故字又通為免俗則作兔非是也今產乳曰兔亦或謂之分兔且兔足前卑後倨其形俛故兔又從兔也冕亦从兔古之說冕者以為位彌高而志彌俛其以此乎內則曰姆教婉婉聽從蓋婉妻道也婉母道也聽婦道也從姑道也左傳曰姑慈而從婦聽而婉

鹿

字統曰鹿性警防分背而食以備人物之害蓋鹿萃善走者分背而食食則相呼羣居則環其角外向以防物之害已故詩以況君臣之義而毛詩草蟲經曰鹿欲食皆鳴相召志不忌也周官曰視朝則皮弁服皮弁正以鹿皮為之蓋取諸此鹿愛其類發於天性詩曰王在靈沼於沔魚躍王在靈囿麇鹿攸伏正言魚鹿者言人之與物異類則鳥見之高飛魚見之深入鹿見之決驟今

魚樂於沼鹿安於囿如此則以文王之德行於靈沼靈
囿故也爾雅麋曰其跡躔鹿曰其跡速麋曰其跡解兔
曰其跡远豕曰其跡刻狐曰其跡夙蓋麋性迷惑故其
跡躔而不解麋性散驚故其跡解而不躔鹿善決驟故
其跡速而不夙狐善遲疑故其跡夙而不速豕性追突
故其跡刻兔性跳躑故其跡远今兔將伏輒跳躑擺跡
人反以此得之韓子曰譬如兔得跡安用東西跳也小
爾雅曰鳥之所乳謂之巢雞雉所乳謂之窠兔之所息

謂之窟鹿之所息謂之場詩曰町疇鹿場言町畦村疇之中無人焉故鹿以為場也舊說鹿者仙獸常自能樂性從其雲泉至六十年必懷瓊於角下角有斑痕紫色如點行或有涎出於口不復能急走也蓋鹿戴玉而角斑魚懷珠而鱗紫故有諸中未有不形於外也

麝

釋獸云麝父麝足麝如小鹿有香故其文从鹿从射虎豹之文來田狸麝之香來射則其皮與臍之為累也今

商汝山中多羣麝所遺糞常就一雖遠逐食必還走其地不敢遺跡他所慮為人獲人反以是從迹其所在必掩羣而取之蓋麝絕愛其香每為人所迫逐勢且急即自投高巖舉爪剔出其香就繫且死猶拱四足保其臍吳筠云猿賦以為麝懷香以賈害狙伐巧而招射謂是也陶氏云麝形似獐今俗謂之香獐常食栢葉故養生論云蝨處頭而黑麝食栢而香也又云啗蛇今以蛇蛻裹麝彌香夏月食蛇多至寒香滿入春臍內亟痛即自

以足剔出之置屎溺中覆之皆有常處象退齒犀退角
麝退香皆輒藏覆知自珍其貨也趙辟公雜說云西北
之麝噬虺而食拍故其香結東南山谿有松而無拍故
麝不結也

犀

犀性絕躁似豕一管三毛有鴟處必有之形似水牛大
腹卑脚脚有三蹄黑色三角一在頂上一在額上一在
鼻上鼻上者即食角也小而不櫛好食棘亦有一角者

前足直常倚木而息木仆則不能起異物志曰犀體兼
五種肉又曰犀舌有棘常食草木棘刺不啖莖葉也舊
說犀之通天者惡影常飲濁水重霧厚露之夜不濡其
裏白星徹端世云犀望星而入角即此也可以破水駭
雞蓋犀之美者有光故雞見影而驚其次角理復有正
插倒插正插者角骨以上通倒插者角骨以下通亦曰
尖花小而根花大謂之倒插故南人以牙為白暗犀為
黑暗言難別也犀亦絕愛其角墮角即自理之王粲游

海賦曰羣犀代角巨象解齒是也交州記曰犀有二角
鼻上角長額上角短或曰三角者水犀也二角者山犀
也在頂者謂之頂犀在鼻者謂之鼻犀犀有四輩其紋
或如桑椹或如狗鼻者上黔犀無紋螺犀紋旋轉犀紋
細牯犀紋大而勻周官函人為甲犀甲七屬兕甲六屬
犀革差劣於兕故兕甲六屬喊一犀甲七屬增一也或
曰翡翠屑金人氣粉犀犀最難搗唯鋸犀成小塊以極
薄紙裹置懷中令近肉以人氣蒸之候氣蒸潤乘熱投

白中急搗應手如粉

麀

麀獸似鹿而大其尾辟麀以置菑帛中能令歲久紅色不黧又以拂氈令氈不蠹蓋蠅點變白麀尾留紅而狐白貂鼠之類燕見之則毛脫物有相制其異如此今麀鹿醜亦喜紅南人取之則衣絳服而舞麀鹿輒注視不動因以利刀刺之名苑曰鹿之大者曰麀羣鹿隨之皆視麀所往麀尾所轉為準於文王鹿為麀而古之談者

揮馬良為是也恩平郡譜曰沈牛謂之回沙牛謂之磨
麈謂之荒鹿謂之墀

虎

虎奮衝破又能畫地卜食蓋蛇蟠向壬鵲巢面歲燕伏
戊巳虎奮衝破此亦鳥獸之所以靈也兵法曰將開牙
門常背建向破其以此歟類從曰虎行以爪坼地觀奇
耦而行今人畫地觀奇耦者曰虎卜云簡兮曰執轡如
組有力如虎如組以言其藝如虎以言其勇常武曰進

厥虎臣闕如虢虎蓋虎之自怒虢然闕如虢虎則以言將帥之勇發於忠毅非激而怒之也何草不黃曰匪兕匪虎率彼曠野哀我征夫朝夕不暇言兕抵觸虎搏噬先王驅而遠之則率彼曠野兕虎之所宜今征夫如此則可哀矣爾雅曰熊虎醜其子狗絕有力麤漢律曰捕虎一購錢三千其狗半之是也方言虎陳魏宋楚之間謂之李父江淮南楚之間謂之李耳注云虎食物值耳而止以觸其諱故然則仁人之於親也聞名心瞿見似

目瞿豈自外至哉禮曰交龍為旂旂東方也鳥隼為旗
旗南方也熊虎為旗旗西方也龜蛇為旐旐北方也太
常則象天馬環以覆之故繪日月星辰易曰君子豹變
大人虎變豹變言變而為豹也揚子曰狸變則豹所謂
豹變故象曰君子豹變其文蔚也虎變言變而為虎也
揚子曰豹變則虎所謂虎變故象曰大人虎變其文炳
也周官服不氏掌養猛獸而教擾之鄭氏謂擾馴也言
王者之教無不服也然則教而馴之蓋亦有道矣梁鵞

曰且一言我養虎之法夫食虎者不敢以生物與之為其殺之之怒也不敢以全物與之為其碎之之怒也時其飢飽達其怒心虎之與人異類而媚養已者順也故其殺之逆也吾豈敢逆之使怒哉亦不順之使喜也何則喜之復也必怒故曰不處中和勢極則反必然之數也俗云鳩食桑葢則醉貓食薄荷則醉虎食狗則醉今虎所在鹿必鳴以告

麋

崔豹古今註曰鹿有角而不能觸麋有牙而不能噬麋
麋也齊人謂麋為麋麋如小鹿而美故从章也章美也
易曰陰雖有美含之以從王事麋从章麋从盲其義一
也語曰四足之美有麋麋即麋也或曰麋性善驚故从
章吳越春秋曰章者倥偬也蓋麋鹿皆健駭而麋性膽
尤怯飲水見影輒奔道書曰麋鹿無魂又曰麋鹿白膽
善怖為是故也或曰麋喜音聲麋喜文彩故麋从禾麋
从章今獵戶以彩服舞麋鹿字說曰赤與白為章麋見

章而惑者也樂以道和麋可以樂道而獲馬麋不可畜
又不健走可縛者也故又訓縛詩曰野有死麋白茅包
之言昏禮不以死物故其生摯用鴈而飾羔鴈者以續
今取死麋更以白茅包之則皆非其禮矣雖皆非禮然
猶愈於無禮故序云惡無禮也先曰死麋後曰死鹿先
曰包後曰束言被文王之化知惡無禮其俗有隆而無
殺麋性喜山麋性喜澤鹿性喜林故林屬於山為麓其
字从鹿麓者鹿之所在故也鹿林獸也麋澤獸也博物

志曰麋掘澤草而食其場成泥名曰麋暖民隨此暖種
稻不耕而獲其收百倍麋性善聚善散故从囿囿聚也
亦散也國語曰市無赤米而囿鹿空虛先儒以為圓曰
囿方曰鹿鹿善聚亦善散故囿或謂之鹿也

兕

釋獸云兕似牛兕重千斤一角青色其皮堅厚可以制
鎧傳曰水剽蛟龍陸斷犀兕蓋取諸此吉日曰發彼小
豸殪此大兕言能中微而制大也老子曰兕無所投其

角兕善抵觸故先王之制罰爵以兕角為之酒陽物也而善發人之剛其過則在抵觸故先王制此以為酒戒詩曰兕觥其觶旨酒思柔此之謂也四升曰角角觸也與此同意道家云虎千年則牙蛻而角生

豺

釋獸曰豺狗足豺似狗而長尾白頰高前廣後其色黃季秋取獸四面陳之以祀其先世謂之豺祭獸故先王候之以田禮記所謂豺祭獸然後田獵是也詩曰取彼

譜人投畀豺虎豺虎不食投畀有北有北不受投畀有
昊豺虎以殺為性則宜無所不食有北以載為德則宜
無所不受今日豺虎不食有北不受且付昊天制其罪
則惡之至也記曰好賢如緇衣惡惡如巷伯為是故也
然是詩地於四方正言有北者有北朔地也朔地者寬
闊之至天於四時正言有昊者有昊南天也南天者辨
察之至漢律捕虎一購錢三千捕豺一購錢百豺虎皆
害物之尤者故詩併言之俗云豺羣噬虎言其健猛且

衆可以窘虎也又曰瘦如豺豺柴也豺體細瘦故謂之
豺棘人骨立謂之柴毀義取諸此舊說豺獺祭天又或
以謂皆自祭其先云疑此二物祭帝而其先與焉禮曰
萬物本乎天人本乎祖故曰人而不祭豺獺乎

獺

獺獸西方白虎之屬似狐而小青黑色膚如伏翼水居
食魚孟子所謂為淵馭魚者獺也亦自祭其先記曰獺
祭魚然後漁人入澤梁是也獺取鯉於水裔四方陳之

進而弗食世謂之祭魚其字从賴與豺从才同意援神契曰謂多賴故不使超揚賴才也舊說蟾肪合玉獺膽分卮又曰熊食鹽而死獺飲酒而斃此類之所推也淮南子曰鵲巢知風之自獺穴知水之高下言歲多風則鵲作巢卑水之所及則獺獺移穴其預知有如此也或曰獺一歲二祭豺祭方獺祭圓言豺獺之祭皆四面陳之而獺圓布豺方布唐李商隱善屬文喜鋪陳檢閱時謂之獺祭魚字說曰豺亦獸也乃能獲獸能勝其類又

知以時祭可謂才矣獺非能勝其類也然亦知報本反始非無賴者

熊

熊似豕堅中山居冬蟄當心有白脂如玉味甚美俗呼熊白其膽春在首夏在腹秋在左足冬在右足好舉木而引氣謂之熊經莊子所謂熊經鳥伸是也冬蟄不食飢則自舐其掌故其美在掌而孟子曰熊掌亦我所欲也周官大射諸侯則共熊侯豹侯蓋諸侯服猛下王德

一等故其所射共熊豹之侯而已又曰田役則設熊席則以蒞衆尚毅故也亦以其溫傳曰君居則狐裘坐則熊席考工記曰龍旂九旂以象大火也鳥旛七旂以象鶉火也熊旗六旂以象伐也龜蛇四旂以象營室也說者曰龍旂東方也故象蒼龍宿之數其旂九熊旗西方也故象白虎宿之數其旂六鳥旛正南方之物也故象朱鳥宿之數其旂七龜旒正北方之物也故象玄武宿之數其旂四案旂象大火旛象鶉火旗象伐旒象營室

義不在旂猶之龍旂養信而荀子曰龍旂九旂以養信也許慎曰熊旗五旂以象伐按熊旗五旂則考功所記六旂誤矣巾車掌王之五路建太常以祀建大旂以賓建大赤以朝建大白以即戎建大麾以田太常象天有日月焉大旂象東方即旂是也大赤象南方即旗是也大白象秋一名旗大麾象冬一名旒太常大旂蓋言其名大赤大白蓋言其色大麾則又以用言互相備也書曰左仗黃鉞右秉白旒以麾以大赤照上則龍旂青可

知矣以大白照下則龜旒黑可知矣爾雅曰緇廣充幅
長尋曰旒是也鄭云九旗之帛皆用絳不知鄭氏所云
何所據而言然鬼谷子曰分威法伏熊說者以為熊之
擊搏先伏而後動字說曰熊強毅有所堪能而可以其
物火之羶亦熊類而又強焉然可罔也

豹

豹花如錢黑而小於虎文易曰君子豹變小人革面言
能革小人之面而已召南之事是也古今註曰豹尾車

周製也所以象君子豹變尾言謙也晉人刺在位不恤
其民其詩一章曰羔裘豹祛自我人居居二章曰羔裘
豹袞自我人究究言大夫體柔以剛文之而已今其用
暴如此則非所以稱其服也居居以言不通究究以言
不恕豹祛下大夫也豹袞上大夫也詩曰羔裘豹飾豹
飾又言國君體柔而文之以剛其義上達也玉藻曰狐
青裘豹袞玄緇衣以裼之羔裘豹飾緇衣以裼之則豹
飾明非袞矣毛詩傳曰飾謂緣以豹皮則緣蓋言領人

君之服也管子曰上大夫豹飾列大夫豹幘此齊一時之數非古也古云虎豹之駒未成文已有食牛之氣及長退毛然後踈朗煥散蓋亦養而成之傳曰文豹隱霧十日不食欲以澤其衣毛成其文彩殆謂是也語曰豹死留皮人死留名故君子疾沒世而名不稱焉廣志曰狐死首丘豹死首山言不忘本也豹一名程列子曰程生馬古詩曰餓狼食不足飢豹食有餘言狼貪豹廉有所程度而食其字从勺當為是也一曰从勺豹之勺猶

虎之擬也字說曰虎豹狸皆能勻物而取焉大者猶勻而取不足為大也小者雖勻而取所取小矣不足言也故於豹言勻博物志云豹死守窟淮南子曰蝟使虎申蛇令豹止物各有所制也

羊

羊性善羣故於文羊為羣犬為獨也羊每成羣則要以一雄為主舉羣聽之今俗所謂壓羣者是也北人謂之羊頭鄭氏儀禮注云羊取其後帥蓋言此矣詩曰爾羊

來思其角濺濺羊前其剛以觸者也故以其角齊聚為善又曰爾羊來思矜矜兢兢不騫不崩麾之以肱畢來既升矜矜言羊之愛牧人也兢兢言羊之畏牧人也牧之為道擾之以順其性故能使物愛之制其放故能使物畏或降于阿或飲于池或寢或訛所謂擾之以順其性也麾之以肱畢來既升所謂支之以制其放也傳曰騫虧也崩羣疾也羊之為物以瘦為病而又死善耗敗故於不騫不崩本羊言之也禮云羽鳥曰降四足

曰漬曰漬者謂死相藏漬而善耗敗也六畜之死皆善耗敗而羊為甚故是詩如此要術曰羊有疾輒相汙徐鉉曰羊主給膳以瘦為病故羸从羊亦豕善肥羊善瘦故羸从羊也詩曰不騫為是故也易曰允為羊羊性前止故允為羊允陰在上故也羊性前逆牛性前順故傳以為使堯牽一羊舜荷箠而隨之不能前矣又曰今使烏獲藉蕃從後曳牛之尾尾絕而不從者逆也若指之桑條以貫其鼻則五尺童子牽而周四海矣禮曰羊曰

柔毛柔毛謂其不疾癡蟲也詩曰羊牛下來先羊後牛者羊性畏露晚出而早歸常先於牛故也管子曰凡聽商如離羣羊凡聽角如雞登木以鳴音疾以清易曰允為羊抑又以其聲歟內饗曰羊冷毛而毳羶犬赤股而躁臊蓋言羊冷毛而毳則羶犬赤股而躁則臊矣皆物之不可食者故於文臊从躁省羶从氈省也鄭氏以為冷毛而毳毳謂毛別聚氈不解者是也管子曰山高而不阨則祈羊至矣淵深而不涸則沈玉極矣或言羊或

言玉相備也山海經曰縣以吉玉縣山祭也肆師立大
祀用玉帛牲牲而今此山川更言玉者則以祈祭故也
易林曰羊腸九縈舊說羊春夏早放秋冬晚出字說曰
羊大則充實而美美成矣則羊有死之道焉老子曰天
下皆知美之為美斯惡已

牛

孔子曰牛羊之字以形舉也牛象角頭三封尾之形牛
土畜也馬火畜也土緩而和火性健決躁速故易坤為

牛乾為馬詩曰爾牛來思其耳濕濕濕濕言潤澤也蓋牛之為物病則耳燥安則溫潤而澤故古之視牛者以耳祭義所謂大夫袒而毛牛尚耳是也抱朴子曰鴈銜蘆而捍網牛結陣以却虎牛善角虎環其首外觸則虎雖猛巧不能制也傳曰禘郊之牛角鹵栗宗廟之牛角握社稷之牛角尺詩曰殺時稭牡有捄其角捄長貌社稷之牛角尺故曰有捄其角也舊云牛相壁堂欲潤膺廷欲廣豪筋欲就雋骨欲垂插頸欲高排肋欲密尾不

用至地頭不用多肉角欲得細身欲得圓眼欲得大口
方易飼鼻廣易牽倚欲如絆馬行欲如羊形欲如卷懸
蹄欲如八字亂睫好觸龍頸突目好跳毛拳角冷有病
毛少骨多有力歧胡有壽常有似鳴有黃禮云牛曰一
元大武六牲之號牛曰一元大武號最為美者牛大牲
故也管子曰凡聽官如牛鳴窳中牛含官聲故柳子以
為黃鍾在脰也周官曰牛夜鳴則廝許叔重曰廝久屋
朽木牛夜鳴則廝臭如朽木也牛膏曰香故其臭朽則

不可食矣列子曰饗香以為朽嘗甘以為苦戎右曰贊
牛耳桃菊牛耳無竅以鼻聽也盟者聽於人神故執牛
耳而正以不聽為戒焦贛易林曰牛龍耳聵蓋龍亦聵
者也先儒以為面牛鼓簧為聵故也造化權輿云夫乾
為馬坤為牛乾陽物也馬故蹄圓坤陰物也牛故蹄圻
陽病則陰勝故馬疾則卧陰病則陽勝故牛疾則立馬
陽物也故起先前足卧先後足牛陰物也故起先後足
卧先前足世之學者以為坤牛取順乾馬取健蓋知其

一而已封人曰凡祭祀飾其牛牲即莊子所謂衣之以文繡者也鄭氏以為飾謂刷治絜清之誤矣楚子曰君處北海寡人處南海唯是風馬牛不相及也按牛走順風馬走逆風牛馬風逸徃徃相及楚是以云爾又舊說正月一日為雞二日為狗三日為豬四日為羊五日為牛六日為馬七日為人日占其日以知其登耗所謂人日以此

埤雅卷三

埤雅卷三音釋

麋麟

麋君

驕胡圭

椽捉

迄剛

夙狙

町挺

啗土緩

啗啖

蛻稅

噬視制

虺灰

塵主

循菑

黥鬱

墮

虢許交

兕徐姊

麋巖

鹿白交

麋君

續丘謂

剽團

祀巴

殪意

觥古橫

觥求

獮婢賓

旗于

褻布刀

檐尺占

澁側立

訛五戈

澁織

羸雷

箠捶

痲族

毳芮

阝豕

狝全

躁皂

燥先道

擗而純

睫接

窳窳

脰豆

痼猶

芍列



欽定四庫全書

經部
埤雅卷
四至
六

詳校官國子監祭酒長覺羅書善

洗馬臣王坦修覆勘

總校官庶吉士臣何思鈞

校對官中書臣陸 湘

謄錄監生臣孟 照

欽定四庫全書

埤雅卷四

宋陸佃撰

釋獸

象

貉

狸

狼

蝟

狐

獾

貓

駝

麋

狨

猴

獬

罷

貂

獾

象

象南越大獸長鼻牙望前如後三年一乳行孕肉兼十
牛命在其鼻其所食物皆以鼻取之蓋獸之象以鼻致
用而不以口天之象以氣致用而不以言故天之象與
獸之象同字且今服馴巨象以小斧刃斲之其金瘡見
星月即合又若與垂象宜應其理抑有不可得而推者
舊說象之所在其上必豐又云象性久識能浮水出沒
體具十二少肉唯鼻是其本肉膽不附肝隨月轉在諸
肉假令正月建寅即膽在虎肉鼻端有小爪可以拾鍼

或曰膽隨四時在足春在前膊左夏在前膊右如龜定體也其牙生花必因雷聲故古者以為器飾左傳曰象有齒以焚其身賄也字說曰象齒感雷莫之為而文生天象亦感氣莫之為而文生人於象齒也服而象焉於天象也象而服焉像象之也周官玉路以祀象路以朝玉仁也象義也仁者人也義者道也故象路一名道車弁師掌皮弁會五采玉璣象邸玉璣以況基德而象邸即莊周所謂託宿於義者也詩曰佩其象揅正言象揅

者明有義也以駸其君褊急趨利無德以將之袁子曰
虎頭高峙貉頭尖銳鹿頭側長犀頭高廣一曰龍象六
十歲骨方足今荆象色黑兩牙江豬也

貉

字林曰貉似狸善睡狐善疑貉善睡故狐貉之厚以居
也其營窟與獾皆為曲穴以避雨暘亦以防患故淮南
子曰螻知為埵獾貉為曲穴虎豹有茂草野彘有茂首
陰以防雨景以蔽日此亦鳥獸之所以智也俗云獾貉

同穴而異處糴之出穴以貉為導詩曰一之日于貉取
彼狐狸為公子裘言往祭表貉因取狐狸之皮為裘故
傳曰于貉謂取狐狸皮也周官所謂祭表貉即此于貉
是也考工記曰貉踰汶則死此言邦域殊氣各有所宜
故周官以土宜之法辨十有二土以蕃鳥獸以毓草木
也釋獸云獬子獾獾子獾而伐檀之詩一章曰胡瞻爾
庭有縣獾兮二章曰特三章曰鷓獾小而特大鷓則尤
小以言在位貪殘無功而受祿其後已悉如此南方異

物志曰傳言貉不踰汶鸚鵡不踰濟狐不渡江而南橘不越江而北區宇之內咫尺不同而况分之華夷限以山海魁詭倣怪可勝言哉字說曰獬善睡則於宜作而無作於宜覺而無覺不可以涉難矣舟以涉難利則涉否則止獬舟在右能止者也又作貉貉之為道宜辨而各故孔子狐貉之厚以居貉辨而各故少乎什一謂之大貉小貉無諸侯幣帛饗殮百官有司以為貉道也

狸

狸豸在里者里人所居也狸穴而羶焉故狸又通於羶
字論衡曰小盜狸步鼠竊狸之伺物卑身而伏以候赦
者似羶而小文彩斑然異於羶貉故法言曰辨人狸別
其文萃也性善擬度故大射以狸步張三侯鄭氏云狸
善博者也行則止而擬度焉其發必獲是以量侯道取
象焉詩曰取彼狐狸為公子裘言狐善疑狸善擬不可
以有為故古者以為燕居之裘齊大夫東郭書衣狸製
是也爾雅曰狸狐羶獬醜其足踏其跡夙蓋狸狐羶貉

其性一而狸又伏獸好擬度故其跡皆夙而不連也袁
狎曰河水上有狸迹便堪人渡崔劼以為狸當作狐狐
性好疑故渡水輒聽蓋不知所謂聽冰非狐性獨然狸
亦有之也述征記曰盟津寒則冰厚數丈冰合車馬未
敢過要須狐行云此物善聽水下無水聲乃過人見狐
行方渡內饗曰烏鰾色而沙鳴狸馬黑脊而般臂螻狸
言其氣臭如狸也內則作鬱蓋物宜露而反鬱則臭矣
螻言其氣臭如螻也內則作漏蓋物宜覆而反漏則臭

矣今狸脊間有黑理一道如界或曰字从理省以此與
鯉之制字同義龍八十一鱗能變者也鯉三十六鱗雖
無變而有理焉理者里也可以數度者也

狼

狼大如狗青色作聲諸竅皆沸蓋今訓狐鳴則亦後竅
應之豺祭狼卜又善逐獸皆獸之有才智者故豺从才
狼从良作也里語曰狼卜食狼將遠逐食必先倒立以
卜所向故今獵師遇狼輒喜蓋狼之所嚮獸之所在也

其靈智如此故古之造式者木用槐瘿棗瘤而以狼牙
為柱取其靈智也詩美周公不失其聖正言狼者虎善
擬其前狼善顧其後而又其靈智有才故雖跋胡蹙尾
而能不失其猛此周大夫之所以譬周公也還之詩一
章曰並驅從兩肩兮二章曰從兩牡兮三章曰從兩狼
兮狼物之尤暴戾者故詩以為後也古之烽火用狼糞
取其煙直而聚雖風吹之不斜玉藻曰君之右虎裘厥
左狼裘明以武猛衛上如此或曰狼駢脅腸直其糞煙

直為是故也內則曰狼去腸豈以此歟孟子曰養其一
指而失其肩背則為狼疾人也狼性貪暴爭食以養口
體而常以害其身者管子曰舉龍章則水行舉虎章則
林行舉鳥章則陂行舉蛇章則澤行舉鵲章則陸行舉
狼章則山行詩曰織文鳥章舉鳥章則陂行陂易野也
易野以車為主元戎十乘以先啓行所謂以車為主也
爾雅曰鄭有圃田周有焦護皆易野也故此詩正言焦
護毛詩草蟲經云老狼項下有袋求食滿腹向前行乃

觸之退後又自踏踐上壘其尾進退有患故詩以况跋
前壘後

蝟

蝟可以治胃疾灸穀子曰刺端分兩岐者曰蝟如棘針
者曰蝟蝟狀似鼠性極獠鈍物少犯近則毛刺攢起如
矢爾雅所謂彙毛刺者即此也見鵲便仰腹受啄中其
矢輒爛故淮南子云鵲矢中蝟此理之不可推也舊說
豹食豺豺食蝟又曰蝟皮能整純類染師用之刷純物

易曰拔茅茹以其彙征吉彙之為物以類行以類止故
又為以其彙征以其彙貞之彙許慎曰蟲似豪豬者蓋
豪豬毛如筭而端黑附毛有鈴大略如蝟也傳曰蝟膽
甘棟蜜苦一曰火鑠金故鵲啄蝟蝟能制虎鵲能制蝟
蓋物之相制迭為君臣如此莊子所謂是其時為帝者
也

狐

禊獸也鬼所乘之有三德其色中和小前大後死則丘

首狐性好疑獮性好睡又皆藏獸故狐貉之厚以居而
蜡祭息民以狐裘也素問曰其主狐貉變化不藏終南
一章曰錦衣狐裘二章曰黻衣繡裳錦衣狐裘言燕服
也黻衣繡裳言祭服也爾雅曰衮黻也衮衣謂之黻衣
猶衮冕謂之黻冕也襄公能取周地始為諸侯受顯服
故是詩卒章言衮衣衮衣即序所謂顯服舊說狐有媚
珠又曰狐禮北斗而靈善變化其為物妖淫故詩又以
刺惡所謂雄狐綏綏是也雄狐說者以為牡狐非是宜

讀如狐不二雄之雄雄狐君之象也又曰有狐綏綏在彼淇梁在彼淇厲在彼淇側言狐之為物在山者也今反在淇梁淇厲淇側則失其常居矣雖失其常居然猶不失其常匹衛之男女失時喪其妃耦則曾反狐之不若也易曰小狐汔濟濡其尾小者材不足也狐者志不果也材不足志不果是以幾濟而有濡尾之難故彖曰不續終也亦其尾重善濡溺故易正以為象里語曰狐欲渡河無如尾何是也禮曰君衣狐白裘錦衣以楊之

不曰白狐裘而曰衣狐白者蓋天下無粹白狐而有粹
白之裘者撮之衆白也故傳曰良裘非一狐之腋顏師
古曰狐白謂狐腋下之皮其毛純白集以為裘輕柔難
得故貴也管子曰狐白應陰陽之變六月而一見然則
白狐蓋有之矣非常有也說文曰狐从孤省狐性疑疑
則不可以合類故从孤省也犬性獨狐性孤羊性羣鹿
性麗說文曰鹿之性見食急則必旅行麗旅行也詩曰
儻儻俟俟或羣或友則以鹿性旅行故趨則儻儻行則

俟俟也毛詩傳云獸三曰羣二曰友類從曰燕識戊巳
不銜泥狐潛上伏不越度阡陌又曰狐狼知虛實虎豹
識衝破蓋實即孤也狐狼搏物皆以虛擊孤狐从孤省
又或以此故也音胡疑詞也

羆

或曰虎五指為羆柳子曰羆畏虎虎畏羆釋獸曰羆似
狸兕似牛犀似豕又曰羆猥似狸羆虎屬也猥狼屬也
古者田獵必有所祭故周祭獬漢祭羆漢書音義曰羆

以立秋日祭獸故漢於是時祭焉祭獮其義未聞也

貓

鼠善害苗而貓能捕鼠去苗之害故貓之字从苗詩曰
有貓有虎貓食田鼠虎食田彘故詩以譽韓樂而記曰
迎貓為其食田鼠也迎虎為其食田彘也舊傳貓旦暮
目睛皆圓及午即從歛如線其鼻端常冷唯夏至一日
煖蓋貓陰類也故其應陰氣如此世云薄荷醉貓死貓
引竹物有相感者出於自然非人智慮所及如薄荷醉

貓死貓引竹之類乃因舊俗而知爾貓亦如虎畫地卜
食今俗謂之卜鼠傳曰騏驥驎騮捕鼠於深宮之中曾
不如跛貓言殊技也是故天下之材在於因任淮南子
曰伊尹之興土功也脩脛者使之跖鏹強脊者使之負
土眇者使之準偃者使之塗蓋如是矣近人有收牡丹
圖者叢下有一貓未知其精粗有別畫者曰此正午牡
丹也何以明之其花枝哆而色燥此日中時花也貓眼
黑睛如線此正午貓眼也有帶露花則房斂而色澤貓

眼早暮則圓日漸午則狹長正午則如一線爾

駝

義訓曰牛之聲曰牟駝之聲曰圖駝卧腹不帖地屈足
漏明則行千里背有肉鞍如峯長頸高脚善負知泉脉
所在遇處輒停不行其糞煙直上如狼煙也又知風候
段氏云駝亦齧今其毛縵温厚煖於狐貉極堪禦寒遇
夏常退毛至盡乃能避熱故古者冬取皮於狐類而裘
成夏取毛於駝類而褐成也金柯要訣曰行之善者如

龜如龍如馬如駝如鷹如鴈

麋

白虎通曰熊為獸巧猛麋為獸迷惑故天子射熊諸侯射麋麋水獸也青黑色肉蹄一牡能乘十牝鹿屬也故麋之文从鹿从米則以麋性善迷故也麋善迷而害稼故周官大夫供麋侯麋言討惑除害也大夫以智帥人故所射如此獸又云冬獻狼夏獻麋者冬物成之時狼殘物之尤者夏稼生之時麋害稼之衆者春秋書

多麋為是故也各於其尤害物之時罾而獻之明設官
主以除民物之害月令仲夏曰鹿角解仲冬曰麋角解
鹿以夏至墮角而應陰麋以冬至墮角而應陽淮南子
曰日至而麋鹿解是也說者以為鹿角者挾陰之陽也
故應陰而墮角麋角者挾陽之陰也故應陽而墮角蓋
鹿肉食之燠以陽為體也麋肉食之寒以陰為體也以
陽為體者以陰為末以陰為體者以陽為末角末也故
其應陰陽如此淮南子曰孕婦見兔而子缺脣見麋而

子四目物有似然而似不然者麋有四目其二夜目也
類從所謂目下有竅夜即能視之是也藥議曰按月令
冬至麋角解夏至鹿角解陰陽相反如此今人用麋鹿
茸作一種殆踈也又用刺麋鹿血以代茸者云茸亦血
爾此大誤也竊詳古人之意凡含血之物肉羗易長其
次角難長最後骨難長故人自胚胎至成人二十年骨
髓方堅唯麋角自生至堅無兩月之久大者乃重二十
餘斤其堅如石計一夜須生數兩凡骨之頓成生長神

速無甚於此雖草木至易生者亦無能及之此骨血之至強者所以能補骨血堅陽道強精髓也頭者諸陽之會衆陽之聚上鍾于角豈可與凡血為比哉麋茸利補陽鹿茸利補陰凡茸無樂太嫩世謂之茄子茸但珍其難得爾其實少力堅者又太老惟長數寸破之肌如朽木茸端如馬腦紅玉者最善又北方戎狄中有麋鹿駝鹿極大而色蒼尻黃而無斑亦鹿之類角大而有文堅瑩如玉其茸亦可用

狻

狻蓋猿狖之屬輕捷善緣木大小類猿長尾尾作金色
今俗謂之金線狻者是也生川峽深山中人以藥矢射
殺之取其尾為卧褥鞍被坐毯狻甚愛其尾中矢毒即
自齧斷其尾以擲之惡其為深患也犛牛出西域尾長
而勁中國以為纓人或射之亦自斷其尾左氏所謂雄
雞自斷其尾而莊周以為牛之白顙豚之亢鼻者巫祝
不以適河乃無用之為大祥也古者於旌旗干首注犛

尾之毛焉而謂之旄凡建旄皆首物也示使愛尾焉
狨一名猯詩曰無教猯升木顏氏以為其尾柔長可藉
然則制字从柔以此故也

猴

呂子曰狗似獾獾似母猴母猴似人猴善候其字从侯
白虎通曰侯候也楚人謂之沐猴舊云此獸無脾以行
消食蓋猿之德靜以緩猴之德躁以囂故古者造字為
象母猴之形柳子曰猿類仁讓孝慈居相愛食相先行

有列飲有序有難則內其柔弱者不踐稼蔬木實未熟
相與視之謹既熟嘯呼羣萃然後食山之小草木必環
而行遂其植猴之德勃諍號呶雖羣不相善也食相噬
齧行無列飲無序有難則推其柔弱者以免好踐稼蔬
所過狼藉披攘木實未熟輒齧投注竊取人食皆以
自實其嘽山之小草木必陵挫折撓之猿性靜夜嘯常
風月肅然猴性動每至林木皆振響演義曰狼藉者物
雜亂之貌言狼起卧游戲多藉其草而草皆穢亂故曰

狼藉狼藉一曰狼扈

獬

獬獸似熊象鼻犀目師首豺髮小頭庫脚黑白駁能舐
食銅鐵及竹銳鬚骨實無髓皮辟溫濕以為坐毯卧褥
則消膜外之氣字从膜省蓋以此也爾雅曰獬白豹羆
黑虎蜀都賦云戟食鐵之獸即獬是也劉子曰飛鼯甘
煙走獬美鐵所居隔絕嗜好不同未足怪也舊云獬糞
為兵可以切玉其溺又能消鐵為水

羆

釋獸云羆如熊黃白文羆似熊而大為獸亦堅中長首
高脚從目能緣能立遇人則擘而攫之俗云熊羆眼直
惡人橫目淮南子曰熊羆之動以攫搏兕牛之動以舐
觸是也其白生於心之下育之上亦如熊白而麤秋冬
則有春夏則亡猛憨多力能拔大木故書曰以有熊羆
之士不二心之臣熊羆之士以力言也詩曰維熊維羆
男子之祥維虺維蛇女子之祥熊羆陽物也強力壯毅

故為男子之祥虺蛇陰物也柔弱隱伏故為女子之祥
蓋人之精神與天地陰陽流通故夢之吉凶各以其類
至俗說熊羆富脂至春臙癢即登高木自墜謂之撲臙
今人畜熊以挺撻之更致壯長蓋放於此舊說師子虎
見之而伏豹見之而瞑羆見之而躍

貂

貂亦鼠類縵毛者也其皮煥於狐貉取以為帽得風則
煖其毛拂面如炤朔地苦寒人以其皮溫額後代效之

因以金璫飾首前插貂尾至漢因焉加以附蟬為文侍
中插左常侍插右應劭漢官儀云金取堅剛百鍊而不
耗蟬取居高飲露而不食貂取內勁捍而外溫潤其色
紫蔚而不耀太玄曰狐鼯之毛躬之賊此言以表自累
莊子曰豐狐文豹是何罪之有哉其皮為之災也故曰
匹夫無罪懷璧其罪字說曰貂或凋之毛自召也

猿

猿臂通肩刻之可以為笛聲圓於竹猿猴屬長臂善嘯

便攀援故其字从援省而爾雅云猱猿善援獲父善顧也淮南子曰虎豹之文來射猿狖之捷來措置之於檻曰措家語曰五九四十五為音音主猿故猿五月而生四九三十六為律律主鹿故鹿六月而生或曰猴性躁急猿性靜緩故猿从爰爰緩也論衡曰鹿制於犬猿伏於鼠今人取鼠以繫猿頸猿不復動管子曰墜岸三仞人之所大難也而猱猿飲焉今猿不復踐土好上茂木渴則接臂而飲類從曰獨一呌而猿散鼉一鳴而

龜伏或曰鼃鳴夜獨鳴曉獨援類也似猿而大食援今俗謂之獨援蓋猿性羣獨性特援鳴三獨鳴一是以謂之獨也相法曰手如雞足者褊迫手如猿掌者勤勞舊說猿鳴而獼候之故東晉發蒙記曰獼以猿為婦也莊子曰猿獼狙以為雌獼蓋言獼

埤雅卷四

埤雅卷四音釋

碁基

掃掣

糞火丸

亢勤牛

狝乎各

狙丸

獬湍

糞其禹

蕘埋

羆樞

劓胡八

鱧浮沼

瘿於郢

寔帝

駢胼

陂披

蛭豕

獠

袂天

蜡子亦

汔許訖

裼錫

儻被鴉

猥萬

跖之石

偃舉

哆處紙

圓烏黠

齧丑之

罟古

狻戎

狄羊就

齧孽

麓毛

猱乃刀

獲居縛

囂五刀

呶女交

齧紇

噍胡簞

獮陌

膜密各

廛式六

鼯吾

麤粗

臙標

獮普年

狙且余

稿鞭